



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando aduersitatibus premimur. Exercitium 9

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

*Quando aduersitatibus
preminur*

Exercitium. 9.

*Prou. 12. Non contristabit iustum quicquid
ei acciderit.*

*Iob 1. Sicut Domino placuit ita factum est,
sit nomen Domini benedictum.*

*Iob 3. Iustus es Domine, & omnia iudicia
tua vera sunt: & omnes viae tuae, misericor-
dia, & veritas & iudicium.*

Consideratio.

CONSIDERABIMUS, Dominum ad-
uersitatibus praesentis vitae nos e-
rudire, ut amorem nostrum à rebus
huius mundi transferamus, neque de
hoc exilio patriam constituamus.

Gratiarum actio.

GRATIAS AGEMUS Domino, quod ad-
uersis nos excitat, & quasi admo-
net: cogitque ut ad eum redeamus, in
quo solo tota nostra salus & beatitu-
do sita est.

Confusio.

VERECUNDABIMUR; considerantes
quam iuste propter peccata no-
stra

EXERCIT. SPIRIT.

27

stra quamuis etiam aduersitatem pro-
mereamur, ita quod nulla nobis eue-
nire possit tribulatio, quam nō, iusti-
ori ratione commeruerimus.

Petitio.

Postulabimus à Domino gratiam
& opem, ad præsentem aduersita-
tem excelso & constanti animo tole-
randam: ita vt non modo nullum ex
ea detrimētum capiamus; Verum et-
iam ad lucrum & meritorum nostro-
rum augmentem nobis ea cedat.

Oblatio.

Offeremus nos Domino ad sustinē-
dā huius aduersitatis molestiam,
quamdiu placitum fuerit sue maiesta-
ti; vniendo eam & iungendo his quæ
Christus Redemptor noster nostri
causa perpeffus est.

*Quando è creaturis aliquam vo-
luptatem percipimus.*

Exercitium 10.

*Psalm. 36. Delectare in Domino & dabit ti-
bi petitiones cordis tui.*

Psalm 103 Ego vero delectabor in Domino.

Psal. 76. Memor fui Dei & delectatus sum.

bb 2

Psalm.